



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 1143. Usque Ad Annum 1176

**Fleury, Claude**

**August. Vind. [u.a.], 1762**

**VD18 90118014**

§. 50. Ecclesia[sic!] Septentrionalis.

---

[urn:nbn:de:hbz:466:1-66377](https://nbn-resolving.org/urn:nbn:de:hbz:466:1-66377)

Sæcul. XII. *tum tamque impie effusum exercitus Dei*  
 A. G. 1150. *sanguinem vindica.* Verumtamen Græci  
 isti, in quorum cervices Rogerii Regis  
 arma immittere Abbas Cluniacensis fer-  
 venissime cupiebat, Christiani erant,  
 ne his stimulis opus erat Rogerio, quem  
 Græci jam diu hostem maxime formi-  
 dandum sentiebant.

§. L.

*Ecclesia Septentrionalis.**vit. an.**Boll. 19.**Sax. to. 2.**p. 249.**Jo. Magn.**hist. Goth.**L. XVIII.**c. 18.**vit. Eric.**Boll.**18. Maji.**to 15. p. 187.*

Sub idem tempus Ecclesiam Sueciæ  
 Martyres duo illustrarunt, Henricus  
 Episcopus Upsaliæ, & Rex Ericus seu  
 Henricus, idem enim est nomen. Epi-  
 scopum, in Anglia natum, anno mil-  
 lesimo centesimo quadragesimo octavo  
 ordinaverat Nicolaus Episcopus Alba-  
 nensis, Papæ Legatus & ipse ex Gente  
 Anglorum, postea ad Summum Pon-  
 tificatum evedtus, & Hadrianus IV.  
 dictus. Ericus carissimus erat Henrico  
 Regi, cujus unica cura fuit Religionem  
 defendere & propagare atque Justitiæ  
 Regnum proferre; ita ut Leges ab eo  
 conditæ sequentibus Sæculis celeberrimæ  
 extiterint. Is etiam bellum gerendum  
 suscepit, adversus Finonienses, populos  
 adhuc infideles & nominis Christiani  
 hostes, postquam prius pacem obtulis-  
 set, si Fidem amplecti vellent. Porro  
 in hac expeditione, Episcopum Upsaliæ  
 habens

habens in castris, cum magnam repor-  
 tasset de Finoniensibus victoriam, gra-  
 tias Deo egit prostratus in terra, copio-  
 sas fundens lacrymas, & dolens ruinam  
 tot animarum, quæ per Baptismum ad  
 Salutem pervenire potuissent. Devicto  
 populo pacem concessit, eique Evan-  
 gelium prædicari iussit. Fundatæ sunt  
 Ecclesiæ, constituti Presbyteri, atque,  
 Rege in Sueciam redeunte, Henricus  
 Episcopus apud Neophytos permansit,  
 quos in Fide confirmaret. Cum vero  
 Neophytorum istorum aliquis homi-  
 cidium commisisset, & Sanctus Vir reum  
 ad suscipiendam pœnitentiam canoni-  
 cam compellere voluisset, ut ceteros ter-  
 rore contineret, ille in furorem actus  
 Sanctum Episcopum interfecit, cujus  
 Sanctitatem complura miracula prodide-  
 runt. Verte batur tunc verisimiliter an-  
 nus Salutis millesimus centesimus quin-  
 quagesimus, & Ecclesia festum S. Mar-  
 tyris decima nona Januarii celebrat.  
 Erico Regi in Sueciam reverso quidam  
 Danorum Princeps, qui Regno Sueciæ  
 inhiabat, arma intulit. Cumque in Festo  
 Ascensionis Domini Upsaliæ, capite regni  
 sui, Sacerdote Sacris operante Regi oranti  
 amicorum promptissimi nunciarent, ho-  
 stes urbi imminere, in quos collecto mi-  
 lite procedendum esset, *finite me*, in-  
 quit, *toti Missæ præsentem adesse, spero*

Sæcul. XII.

A. C. 1150.

Sæculi. XII. nos reliquo officio divino in alia Ecclesia  
 A.C. 1151. interfuturos. Tum cum paucis egressum, ut sua tueretur, quia latrones illi non justum prælium, sed insidias & solius Regis cædem meditabantur, in terram dejiciunt, multis plagis perfodiunt, & capite truncant. Tam tetrum facinus decima octava Maji anno millesimo centesimo quinquagesimo primo altera post Ascensionem Domini die peractum. Ubi occisi corpus ad sepulturam familiares pararunt, viderunt cilicium sub vestibus latuisse, sed præterea vivens variis poenitentiae operibus, vigiliis, jejuniis, balneis aquæ frigidae rebellem carnem domuerat. Post mortem suam Henricus pro vivis apud Deum intercedens plurimis claruit miraculis, eumque Ecclesia inter Martyres illa die, qua cecidit, colit.

*Martyr.*  
*Rom. 18.*  
*Maji.*

*Saxo*  
*Gramm.*  
*lib. 14.*  
*p. 238.*

*Sup. Lib.*  
*LXIV.*  
*n. 57*

Nicolaus Episcopus Albanensis, ab Eugenio Papa in Daniam missus Ecclesiam Archiepiscopalem condidit in Norwegia, quæ provincia hæcenus Ecclesiæ Archiepiscopali Lundensi subjecta fuerat. Sed etiam in Suecia Sedem Metropolitanam erecturus, Concilium provinciale Lincopii anno millesimo centesimo quadragesimo octavo celebravit. Quia vero Gothi & Sueci tam de loco futurae Metropolis, quam de viro ad illam dignitatem eligendo dissentiebant, Legatus re infecta discessit; Gothi enim Archiepiscopo

episcopo Bremensi quam Upsaliensi sub-  
 esse malebant. Nicolaus Legatus per  
 Daniam rediens Esquilio Archiepiscopo  
 Lundensi Pallium commisit, quod Archi-  
 episcopo Sueciæ daturus fuisset, ut illud  
 Præsuli, quem Gothi & Sueci communi  
 consensu electuri essent, traderet. Id  
 vero exsequi non licuit. Eo itaque con-  
 silio Legatus Archiepiscopum Lunden-  
 sem Dignitate Primatis in Suecia & Nor-  
 wegia condecorabat, ut Archiepisco-  
 patu nuper in Norwegia fundato sola-  
 tium aliquod post imminutam ipsius dice-  
 cesim conferret. Nicolaus, exinde Papa-  
 tum consecutus, hoc jus Primatus Lunden-  
 sium confirmavit.

Illatempestate Ecclesiæ Metropolitanæ  
 Bremensi Hartwicus præerat, Alberon-  
 nis, anno millesimo centesimo quadra-  
 gesimo octavo defuncti, Successor, qui  
 eam Sedem annis viginti tenuit. Anno  
 sequente, millesimo centesimo quadra-  
 gesimo nono, pace inter Saxones & Scla-  
 vos reducta, ad restituendos Episcopa-  
 tus a barbaris illis destructos, videlicet  
 Oldenburgensem, postea Lubecam  
 translatum, Ratzeburgensem & Mega-  
 lopolitanum, postea Suerinum transla-  
 tum, animum adjecit. Quippe hæ Sedes  
 Episcopales per annos octoginta vaca-  
 verant, sicque Hartwicus se cunctis suis  
 Suffraganeis privatum dolebat, cum et-  
 iam

*Hist. ap.  
 Lindem. br.  
 p. 102.*

M s

iam

Sæcul. XII. iam illa Jurisdictione, qua Antecessores  
 A.C. 1151. ejus in Episcopos Daniæ, Norwegiæ &  
 Sueciæ potiebantur, careret. Hanc igitur  
 tum precibus, tum donis a Papa &  
 Imperatore sibi iterum obtinere frustra  
 conatus, memoratos Episcopatus propin-  
 quos, in regione Sclavorum positos,  
 restaurare aggressus est. Quare Episco-  
 pum Oldenburgensem consecravit Vice-  
 linum, Presbyterum Venerabilem, qui  
 ad propagandam in Holsatia fidem annis  
 non minus triginta piissimo labore de-  
 sudabat; Eminchardum vero Hartwicus  
 Episcopum Megalopolitanum ordinavit.

## §. LI.

*Vicelinus Episcopus Oldenburgensis.*

Vicelinus in Dicecesi Mindensi parenti-  
 bus magis virtute quam censu con-  
 spicuis natus, pueritiam jam egressus,  
 literis operam dare cœpit, primum in  
 patria sua, deinde Paderbornæ, sub  
 Hartmanno Magistro celeberrimo, qui  
 ardentissimam sciendi cupiditatem in  
 Vicelino temperare coactus est (\*).  
 Postea

*Helm. I.  
 c. 43. c. 45.*

(\*) Cum hic aliqua Episcopatus Paderbor-  
 nensis occurrit mentio, ansa mihi præbetur,  
 tristem & dubiam antiquissimæ hujus Ecclesiæ  
 fortem, qua hodie premitur, quin etiam pericu-  
 lum Rei Catholicæ non nullum commemorandi.  
 Nempe Ecclesiæ Paderbornensis, Monasteriensis,  
 & Hildes-